

## Ffurflen Cais am Fenthyciad

### Eich manylion

Cyfeirnod Cwsmer

Enw llawn

### Gwybodaeth am eich benthyciad

- Yr uchafswm y gallwch ei fenthycia yw £13,000.
- Telir eich benthyciad ar ffurf tri rhandaliad trwy gydol y flwyddyn academaidd.
- Os ydych yn dymuno cael benthycg llai, ni allwch ofyn am lai na'r swm a dalwyd i chi yn barod.
- Y dyddiad cau ar gyfer newid swm eich benthyciad yw naw mis o ddyddiad cyntaf blwyddyn academaidd olaf y cwrs.

#### Os yw'ch cwrs yn para mwy na blwyddyn:

- Rhennir y cyfanswm y byddwch yn ei fenthycia mewn ffordd gyfartal ar draws hyd eich cwrs.
- Os yw'ch cwrs yn para 3 blynedd, byddwn yn talu ychydig yn fwy i chi yn ystod eich blwyddyn olaf.

**Er enghraifft:** Os byddwch yn cael benthycg £13,000 ac mae'ch cwrs yn para 4 blynedd, byddwch yn cael cyfanswm o £3,250 bob blwyddyn.

Neu, os byddwch yn dewis cael benthycg £8,500 ac os yw'ch cwrs yn para 3 blynedd, byddwch yn cael £2,833 yn ystod eich blwyddyn gyntaf a'ch ail flwyddyn, a £2,834 yn ystod eich trydedd flwyddyn.

### Faint ydych yn dymuno ei fenthycia i gyd?

Yr uchafswm sef **£13,000**

Swm gwahanol

£



Rhaid i chi lofnodi'r ffurflen hon, ei dyddio a'i dychwelyd cyn y gellir talu unrhyw daliad i chi.



# Datganiad

Cyn llofnodi'ch ffurflen a'i dychwelyd ar ôl ei llenwi, dylech ddarllen:

- y datganiad diogelu data ar [www.cyllidmyfyrwycymru.co.uk/diogeludata](http://www.cyllidmyfyrwycymru.co.uk/diogeludata)
- y canllaw i amodau a thelerau eich Benthyciad Ôl-raddedig ("PGL") ar [www.cyllidmyfyrwycymru.co.uk](http://www.cyllidmyfyrwycymru.co.uk)

**Bydd eich cais am gymorth ariannol yn cael ei oedi oni bai eich bod yn llofnodi, dyddio a dychwelyd y datganiad hwn.**

## Datganiad Cyffredinol

- Rydw i'n cadarnhau hyd eithaf fy ngwybodaeth a'm cred bod yr wybodaeth a ddarparwyd gennyf yn gywir ac yn gyflawn. Os nad yw, deallaf ei bod yn bosibl na fyddaf yn cael cymorth ariannol, y gallai unrhyw gymorth a gefais gael ei dynnu'n ôl ac y gallwn gael fy erlyn. Gallai unrhyw wybodaeth a ddarparir ac y darganfyddir ei bod yn anghywir mewn ffordd faterol gael ei hystyried fel tystiolaeth o ymgais i gamarwain y Cwmni Benthyciadau Myfyrwyr Cyfyngedig ("SLC"). Mewn amgylchiadau o'r fath, efallai y bydd SLC yn adrodd am y mater i'r awdurdodau, a/neu'n terfynu'ch cymhwysra i gael cyllid i fyfyrwyr.
- Rydw i'n cytuno rhoi i SLC unrhyw wybodaeth y bydd gofyn iddynt ei chael er mwyn prosesu fy nghais ac rydw i'n cytuno dweud wrthynt ar unwaith os bydd fy amgylchiadau'n newid mewn unrhyw ffordd a allai effeithio ar fy hawl i gael cymorth ariannol. Os na fyddaf yn gwneud hyn, deallaf y gellir gwrthod unrhyw daliadau pellach i mi, ac efallai y bydd yn rhaid i mi ad-dalu'r cymorth ariannol yr wyf wedi'i gael yn barod.
- Rwy'n cadarnhau mewn perthynas â'm cwrs nad wyf yn derbyn bwrsariaeth gofal iechyd; nac unrhyw lwfans dan y Rheoliadau Lwfansau Myfyrwyr Nyrso a Bydwreigiaeth (Yr Alban) 2007.
- Rydw i'n cadarnhau na thalwyd ac na chyflwynwyd unrhyw lwfans, bwrsariaeth, neu ddyfarniad o ddisgrifiad tebyg i mi a wnaethpwyd dan adran 67(4)(a) Deddf Safonau Gofal 2000 ("CSA") neu adran 116(2)(a) Deddf Rheoleiddio ac Arolygu Gofal Cymdeithasol (Cymru) 2016. Rydw i'n cydnabod ac yn deall os wyf yn gymwys i wneud cais am gostau teithio dan CSA, nad yw gweithred o'r fath ar ei phen ei hun yn golygu nad wyf yn gymwys i gael PGL.
- Rydw i'n cadarnhau nad wyf wedi cael benthyciad mewn perthynas â gradd Meistr Ôl-raddedig yn flaenorol, lle darparwyd y benthyciad hwnnw o'r cronfeydd a ddarparwyd gan awdurdod llywodraethol arall o fewn y Deyrnas Unedig ("DU").
- Os byddaf yn cael gordaliad o ran y cymorth ariannol, cytunaf fod rheidrwydd arnaf i ad-dalu hwn yn llawn ac y gallai SLC gymryd unrhyw gamau angenrheidiol i sicrhau ad-daliad o'r fath.
- Os byddaf wedi darparu manylion fy mhasbort y DU, deallaf y bydd SLC yn cadarnhau'r manylion hynny gyda Swyddfa Basbort Ei Mawrhydi.
- Rwy'n cadarnhau ble rwyf wedi darparu unrhyw wybodaeth bersonol parthed trydydd parti, rwyf wedi eu hysbysu o hyn.

## Contract Benthyciad

- a Rydw i'n cadarnhau fy mod i wedi darllen a deall y canllaw i'r amodau a thelerau sydd ar gael ar-lein ar [www.cyllidmyfyrwycymru.co.uk](http://www.cyllidmyfyrwycymru.co.uk)
- b Rydw i'n cydnabod ac yn cytuno y bydd unrhyw fenthyciad(au) a roddir i mi gan Weinidogion Cymru (y "benthyciwr"), sy'n cynnwys unrhyw unigolion sy'n cyflawni swyddogaethau ar ran Gweinidogion Cymru yn unol ag adran 23(4) Deddf Addysgu ac Addysg Uwch 1998 (y "Ddeddf") fel y caiff ei diwygio o bryd i'w gilydd neu ddeddfwriaeth olynol, yn unol â'r amodau a nodir yn y datganiadau hyn ac mewn Rheoliadau a wneir dan adrannau 22 a 42(6) y Ddeddf, fel y caiff ei diwygio o bryd i'w gilydd.
- c Rydw i'n cydnabod ac yn cytuno, os byddaf: (i) wedi cyrraedd 18 oed; a (ii) wedi ymrwmo i un cytundeb benthyciad neu fwy dan adran 22 y Ddeddf (a deddfwriaeth eilaidd berthynol) cyn yr oeddwn yn 18 oed, wrth llofnodi'r datganiad hwn, fy mod yn cytuno cadarnhau unrhyw a phob benthyciad myfyriwr o'r fath. Deallaf fod cadarnhau unrhyw gytundeb am fenthyciad a wnaethpwyd gyda mi cyn yr oeddwn yn 18 oed yn rhag-amod statudol o'm cymhwysra i gael cymorth i fyfyrwyr ar ôl i mi gyrraedd 18 oed.
- d Rydw i'n ymrwmo i ad-dalu unrhyw fenthyciad(au) a roddwyd i mi i'r benthyciwr, ynghyd â'r holl ac unrhyw log, cosbau a thaliadau a fydd yn berthnasol.
- e Rydw i'n cytuno bod unrhyw fenthyciad(au) a roddir i mi o ganlyniad i'r ffaith bod y benthyciwr wedi derbyn fy nghais yn gontract(au) rhyngof i a'r benthyciwr, a fydd yn fy rhwymo o'r adeg pan delir taliad cyntaf y benthyciad i mi, ac y bydd gofyn i mi ad-dalu unrhyw fenthyciad(au) o'r fath, ynghyd â'r holl ac unrhyw log, cosbau a thaliadau a fydd yn berthnasol, i'r benthyciwr fel dyled.
- f Rydw i'n cytuno y bydd rheidrwydd arnaf i ad-dalu fy menthyciad(au), ynghyd â'r holl ac unrhyw log, cosbau a thaliadau sy'n berthnasol, i'r cyfeiriad y byddaf yn cael fy hysbysu ohono yn ysgrifenedig, ac y gallai unrhyw wasanaethau mewn perthynas â'm benthyciad(au) gael eu darparu yn y cyfeiriad hwn neu gyfeiriad(au) eraill yn unol â'r hyn a bennir gan y benthyciwr o bryd i'w gilydd, ac y darparir y gwasanaeth o ddarparu'r benthyciad ym mhrif gyfeiriad y benthyciwr.
- g Rydw i'n cytuno y bydd unrhyw gamau er mwyn ad-dalu a/neu mewn perthynas â, neu mewn cysylltiad â'm benthyciad(au) a/neu'r holl ac unrhyw log, cosbau a thaliadau a fydd yn berthnasol, yn cael eu dwyn gerbron y llysoedd sifil arferol ac y byddant yn cael eu llywodraethu gan reolau cyffredinol gweithdrefn sifil.
- h Rydw i'n cytuno y bydd fy nghais am fenthyciad, y benthyciad a'r contract rhyngof i a'r benthyciwr yn cael ei lywodraethu gan y gyfraith sydd mewn grym yn y man lle lleolir cyfeiriad fy nghartref, fel y nodir yn y ffurflen gais hon (neu, os yw fy nghyfeiriad y tu allan i'r DU, cyfraith Lloegr).

- i Rydw i'n cytuno yn ddi-alw'n-ôl y bydd gan y llysoedd yn y rhan o'r DU lle y mae cyfeiriad fy nghartref fel y nodir yn y ffurflen gais hon (neu lysoedd Lloegr, yr Alban a Gogledd Iwerddon pan fydd fy nghyfeiriad y tu allan i'r DU) yn meddu ar awdurdodaeth anghyfngol i glywed unrhyw gamau neu achosion yn deillio o neu mewn perthynas â'r benthyciad a'r contract rhyngof i a'r benthyciwr ac rydw i'n ymrwymo'n ddi-alw'n-ôl i awdurdodaeth y llysoedd hynny, gan ildio unrhyw wrthwynebiad i awdurdodaeth y llysoedd hynny, ar yr amod na fydd hyn yn cyfyngu ar hawliau'r benthyciwr i ddwyn achos yn fy erbyn mewn unrhyw lys arall sy'n meddu ar awdurdodaeth gymwys.
- j O'r dyddiad pan fyddaf yn cyflwyno'r ffurflen hon nes y dyddiad pan fydd fy menthyciad(au), ynghyd â'r holl ac unrhyw log, cosbau a thaliadau sy'n berthnasol, yn cael eu had-dalu'n llawn, rydw i'n cytuno y byddaf yn hysbysu'r benthyciwr o unrhyw newidiadau i'r manylion personol (gan gynnwys rhif Yswiriant Gwladol ("NINO")) a'r manylion cyswllt yr wyf wedi'u darparu fel y gofynnwyd yn unol â'r Rheoliadau y cyfeiriwyd atynt ym mharagraff b.
- k Os byddaf yn gadael y DU i fyw y tu allan i'r DU neu os byddaf y tu allan i system dreth y DU am unrhyw reswm arall, rydw i'n ymrwymo i hysbysu'r benthyciwr yn unol â'r Rheoliadau y cyfeiriwyd atynt ym mharagraff b ac rydw i'n ymrwymo i'r cam o ddarparu fy manylion cyswllt newydd ac unrhyw fanylion cyswllt dilynol i'r benthyciwr nes bydd fy menthyciad, ynghyd â'r holl ac unrhyw log, cosbau a thaliadau sy'n berthnasol, yn cael eu had-dalu'n llawn.
- l Rydw i'n cytuno cymryd yr holl gamau y bydd y benthyciwr yn gofyn i mi eu cymryd yn y dyfodol, gan ddarparu'r holl wybodaeth ofynnol i'r benthyciwr er mwyn sicrhau ad-daliad, yn unol â'r Rheoliadau y cyfeiriwyd atynt ym mharagraff b.
- m Os byddaf yn torri unrhyw rai o'r amodau y gwneir unrhyw fenthyciad(au) oddi tanynt, rydw i'n cytuno y bydd rheidwydd arnaf i dalu unrhyw daliadau a chosbau y gallent fod yn berthnasol dan y Ddeddf a'r Rheoliadau a wnaethpwyd dan y Ddeddf, fel y byddant yn cael eu diwygio o bryd i'w gilydd neu ddeddfwriaeth a/neu Reoliadau olynol.
- n Rydw i'n deall y bydd SLC yn cadarnhau fy NINO a'm manylion personol gyda'r Adran Gwaith a Phensiynau ("DWP"). Os na fyddaf yn gwybod fy NINO, neu os na fydd modd dilysu'r rhif y byddaf yn ei roi, bydd DWP yn olrhain fy rhif ac yn ei roi i'r benthyciwr.
- o Os byddaf yn torri unrhyw rai o'r amodau y rhoddwyd unrhyw fenthyciad(au) i mi oddi tanynt, rydw i'n cytuno y gall y benthyciwr rannu gwybodaeth sy'n cael ei chadw amdanaf i a'm cyfrif gydag unrhyw unigolyn, gan gynnwys llywodraeth neu asiantaeth y llywodraeth mewn gwlad arall, y gallent gynorthwyo i nodi fy lleoliad a/neu wrth gymryd camau i adennill symiau benthyciad sy'n ddyledus.

Cyfeirnod Cwsmer

Eich llofnod (mewn inc)

Dyddiad heddiw

Diwrnod      Mis      Blwyddyn  
  /   /

Ar ôl ei llenwi, a fydddech gystal â dychwelyd eich ffurflen i: **Cyllid Myfyrwyr Cymru  
Blwch Post 211  
Cyffordd Llandudno  
LL30 9FU**

